

Na osnovu člana 70. Zakona o javnim nabavkama („Službeni glasnik BiH”, broj 39/14), a na preporuku Komisije za provođenje pregovaračkog postupka bez objave obavještenja sa jednim kandidatom/ponuđačem za potrebe nabavke dodatnih elektroinstalaterskih radova na 3.spratu i potkrovlju zgrade Vlade Bosansko-podrinjskog kantona Goražde, Vlada Bosansko-podrinjskog kantona Goražde, na 139.redovnoj sjednici, održanoj dana 02.03..2018.godine **d o n o s i:**

O D L U K U

o izboru najpovoljnijeg ponuđača za izvođenje dodatnih elektroinstalaterskih radova na 3.spratu i potkrovlju zgrade Vlade Bosansko-podrinjskog kantona Goražde

Član 1.

Prihvata se preporuka Komisije za nabavku utvrđena u Izvještaju od radu, br.03-14-107-17/18 od 13.02.2018.godine i za najpovoljnijeg ponuđača za izvođenje dodatnih elektroinstalaterskih radova na 3.spratu i potkrovlju zgrade Vlade Bosansko-podrinjskog kantona Goražde bira se društvo **GPD „DRINA“ d.d. GORAŽDE**, sa konačnom ponudom, br.08-01-44/2018 od 09.02.2018.godine i ponuđenom cijenom od 14.948,20 KM, bez PDV-a, kao najbolje ocijenjenom.

Član 2.

Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezano za predmetnu nabavku, a shodno uslovima iz odgovarajuće tenderske dokumentacije i zakonskim propisima koji regulišu postupak ugovaranja.

Član 3.

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, uz istovremeno upućivanje svim ponuđačima koji su učestvovali u predmetnom postupku javne nabavke, a naknadno će se objaviti i u „Službenim novinama Bosansko-podrinjskog kantona Goražde“.

O b r a z l o ž e n j e

Predmetni postupak nabavke pokrenut je Odlukom Vlade Bosansko-podrinjskog kantona Goražde o pokretanju pregovaračkog postupka bez objave obavještenja o nabavci sa jednim kandidatom/ponuđačem, br.03-14-107/18 od 29.01.2018.godine, a za potrebe nabavke dodatnih elektroinstalaterskih radova na 3.spratu i potkrovlju zgrade Vlade Bosansko-podrinjskog kantona Goražde.

Procijenjena vrijednost nabavke iznosila je 15.000,00 KM.

Javna nabavka provedena je putem pregovaračkog postupka bez objave obavještenja o nabavci sa jednim kandidatom/ponuđačem, dok je primjena predmetnog postupka nabavke obrazložena postojanjem razloga koji suštinski ograničavaju mogućnost dodjele konkretnog ugovora na samo jednog određenog dobavljača, u konkretnom slučaju, GPD „DRINA“ d.d. Goražde, a shodno članu 21. tačka c) ZJN.

Naime, Vlada Bosansko-podrinjskog kantona Goražde sa navedenim kandidatom/ponuđačem već ima zaključen Ugovor o izvođenju završnih građevinskih radova na 3.spratu i potkrovlju zgrade Vlade Bosansko-podrinjskog kantona Goražde, br.03-14-829-26/17 od 15.08.2017.godine, kojim nisu bili obuhvaćeni svi neophodni elektroinstalaterski radovi. Budući da se ovi dodatni radovi ne mogu, tehnički i ekonomski, odvojiti od osnovnog ugovora

bez većih nepogodnosti za ugovorni organ, te da izvođač po osnovnom ugovoru već izvodi predmetne radove, ugovor za nepredviđene dodatne elektroinstalaterske radove se samo njemu može i dodijeliti.

Poziv za učešće u predmetnom postupku dostavljen je navedenom privrednom društvu dana 05.02.2018.godine. Istovremeno je ugovorni organ na svojoj web stranici objavio informacije o pregovaračkom postupku bez objave obavještenja o nabavci, na način da je svim zainteresovanim kandidatima učinio dostupnom predmetnu tendersku dokumentaciju.

U propisanom roku, dana 07.02.2018.godine, kandidat/ponuđač GPD „DRINA“ d.d. Goražde dostavio je tražena kvalifikaciona dokumenta i inicijalnu ponudu. Zapisnikom o ishodu kvalifikovanosti kandidata, br.03-14-107-9/18 od 08.02.2018.godine, utvrđeno je da je kandidat GPD „DRINA“ d.d. Goražde ispunio kvalifikacione uslove, te da može učestvovati u daljem toku predmetnog postupka. Zapisnikom o otvaranju inicijalne ponude od 08.02.2018.godine konstatovano je da je cijena početne ponude kvalifikovanog kandidata/ponuđača iznosila 17.432,40 KM, što je predstavljalo više od procijenjenih 15.000,00 KM za predmetnu nabavku.

Podnosilac početne ponude, društvo GPD „DRINA“ d.d. Goražde, potom je pozvan na pregovore koji su bili održani u zakazano vrijeme, dana 09.02.2018.godine, sa početkom u 13:00 sati. O pregovorima je sačinjen zapisnik, br.03-14-107-12/18 od 09.02.2018.godine, koji su potpisali svi učesnici pregovora.

Po okončanim pregovorima, ovlašteni predstavnik ponuđača je, usmenim i pisanim putem, pozvan da dostavi svoju konačnu ponudu u utvrđenom krajnjem roku za dostavu iste, 12.02.2018.godine, do 13:00 sati.

Obzirom da je blagovremeno dostavljena konačna ponuda ocijenjena prihvatljivom u skladu sa kriterijem za dodjelu ugovora i da je odgovarala dogovorenoj cijeni na pregovorima dana 09.02.2018.godine, Komisija za nabavku je u svom Izvještaju o radu, br.03-14-107-17/18 od 13.02.2018.godine, dala prijedlog da se za najpovoljnijeg ponuđača u predmetnom postupku nabavke izabere društvo GPD „DRINA“ d.d. Goražde, sa konačnom ponudom u iznosu od 14.948,20 KM.

U postupku po zaprimanju Izvještaju o radu utvrđeno je da je Komisija pravilno provela predmetni postupak nabavke i o istom sačinila odgovarajuće zapisnike.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

**V L A D A
BOSANSKO-PODRINJSKOG
KANTONA GORAŽDE**

P R E M I J E R

Emir Oković

*Broj: 03 – 14 – 107 – 20 / 18
02.03.2018.godine
G o r a ž d e*